

INUIT ATAQATIGIIT

INATSISARTUNI



Nuuk, 12. marts 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Naaja H. Nathanielsen, Inuit Ataqatigiit)

Apeqqutit:

- 1. Naalakkersuisut isumaqarpat Namminersorlutik Oqartussat siunnersuisoqatigiinnik arlaannik pilersitsinnaanerit Inatsisartut ataatsimiititaliaasa suliassaminnik naammassinninniarnannik akorngusersuutaasinnaasoq?**
- 2. Naalakkersuisut aningaasarsiornikkut politikkiat imaluunniit aanngajaanit pillugit politikkiat pillugit Inatsisartut paasissutissanik pissarsiniarnannut Aningaasaqarnermut Siunnersuisoqatigiit imaluunniit Imigassaq ikiaroorartullu pillugit Siunnersuisoqatigiit akorngusersuippat?**
- 3. Inatsisartut nakkutilliinerat eqqarsaatigalugu Naalakkersuisut isumaqarpat suliffeqarfiit namminersortut siunnersuisarnerat siunnersuisoqatigiit arlaannaannulluunniit attuumassuteqanngitsut siunnersuisarnerannit ammasumik periuseqarnerulersitsisarsoq? Matumani ilaatigut eqqarsaatigineqarput suliffeqarfiit namminersortut eqqartuussissuserisut suliffeqarfiutaat Lett imaluunniit PricewaterhouseCoopers sullissisut Naalakkersuisut attuumassuteqarfigisaat?**
- 4. Inatsisartut ullumikkut qanoq ilillutik Namminersorlutik Oqartussat siunnersortinit avataaneersunit, apeqqutaatinnagu suliffeqarfinnit siunnersuisoqatigiinnilluunniit pisuuppata, siunnersorneqarnerat "nakkutigisinnaavaat"? Ullumikkut Namminersorlutik Oqartussat siunnersorneqarnitik pillugit Namminersorlutik Oqartussat Inatsisartunut automatiskiusumik paasissutissiisarpat?**

Tunngavilersuut:

Nalunaarusiaq "Kalaallit Nunaannut iluaqutaaqqullugu" pillugu Inuussutissarsiornermut Aatsitassanullu Naalakkersuisoq Sermitsiap normuisa tallimaanni ukioq manna saqqummersumi oqaaseqarpoq. Nalunaarusiami siunnersuutigineqarpoq siunnersuisoqatigiinnik arlaannaannulluunniit attuumassuteqanngitsunik pilersitsissasugut aatsitassarsiornikkut suliffeqarfiusunit, naalakkersuisutigoortuunngitsumik soqutigisaqatigiiffiusunit aammalu ilisimatusernermik suliaqarfinnit sinniisuutitanik ilaasortaqartunik. Siunnersuisoqatigiit suliassarissuusaassavaat aatsitassarsiornermi suliffissuaqarnermik siuarsaanermut atatillugu Namminersorlutik Oqartussanut nalinginnaasumik siunnersuisarnissaq aammalu aalajangeertarsinnaanerit pisortallu ingerlatsineranni periutsit naleqqutinngitsut pinaveersaartinniasallugit.¹ Siunnersuisoqatigiit taama ittut pillugit Naalakkersuisoq ima oqarpoq:

"Uagut demokraatiskimik ingerlatseriaatsitsinni ersarissuuneq nakkutilliinerlu ilaapput. Naalakkersuisut Inatsisartuni ataatsimiititaliaanik ataatsimiigaaqqusillutik aggersaasinnaapput. Uagut demokraatiskimik ingerlatsinitsinni qanoq iliuusivut naalakkersuisunit nakkutigineqarsinnaapput. Siunnersuisartut arlaannaannulluunniit attuumassuteqanngitsut

¹ "Kalaallit Nunaannut iluaqutissaaqqullugu" nalunaarusiami danskisut saqqummersitami qupperneq 36

avataaninnganneersut atorlugit innersuussutaat nakkutigineqarnaviangillat taamatullu ersarissuunaviaratik.”²

Nalunaarutigisamik ilumuunnginneraasoqarnikuunngimmat naatsorsuutigaara Naalakkersuisoq eqqortumik issuarneqarsimassasoq. Taamatut oqarnej tupaallannartorujussuuvog inatsisartoqarnermilu sulisaaseq pillugu qaammaasaqaqqarnermik ersersitsuulluni aammalu siunnersuisoqatigeeqarnermi nalinginnaasumik sulinerit pillugit tunngaviumik paasinerluinermik takutitsisuulluni.

Maannangaaq kissaatigissavara apequtikka tamarmik ullut suliffiusut qulit qaangiutsinnagit akineqareersimassasut.

² Quppernej 13, Sermitsiaq nr. 5 2014